

DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS

manè discutienda in Scholis Medicorum, die Jovis septimâ
mensis Februarii, Anno Domini M. DCC. LIV.

M. PAULO LE ROY, Doctore
Medico, Præsidente.

An à diversâ virûs Scorbutici indole & sede Morbi diversi?

I.



ORBUS haud unicus neque simplex, atrox verò, contumax, curatu omnium difficillimus, quo mirâ symptomatum varietate, diagnosi, prognosi, crisiq; suâ non fallacior; Proteus alter in Medicinâ, quo suâ metamorphosi non magis versipellis; monstrum, quo nec horrendum magis, nec ingentius; malum, quo suâ metastasi neque pejus, neque nocentius ullum; frequentissima generis cujuslibet affectuum sylva; multiformis ac stupenda accidentium caterva, quorum alia sunt specie diversa, alia oppositæ, aut contrariæ saltem naturæ; hostis denique hominum saluti insensibilissimus non ita unus, quàm numerosus valde hostium exercitus, Scorbutus. Permanens impar consistentiæ, nullius figuræ tenax, naturâ sibi constare nescius, sedis incertæ, vento perniciosior, quaquaversum diffluit. Modò omnium ferè morborum genus & ingenium, sub quibus sese suumque virus diversimodè occultat, quasi de industriâ mentitur, quatenus eosdem inchoat, vel ipsis se dedit consocium. Horum morem, quem præ se fert, à naturali haud absimilem adeò sibi accommodat, ut alienâ sub larvâ, propriâ veluti sub eorum specie Medicos, aliundè peritissimos, aliquando deludat. Modò fronte serenus, facie rosaceus, ingressu facilis & quasi amicus, progressu mitior cum ægro, cui tacitè insidiatur, non minùs ludit-cicurando. Diræ interdum luis instar, depositâ dulcedinis malignitate, nemini parcens furit apertè. Nihil ætati, nec sexui indulget quidquam. Climates pariter, ætheri & temperamento non clementior. Hunc potius quàm illum è mortalibus non cruciat. Promiscuè cadunt singuli, quos neci cunctos ubique jugulat bello truculentior. Non omnes idcirco, qui ab ejus impetu urgentur, semper letho miserè occumbunt. Neque pari in anno, tempestatum reditu, vitæ articulo, neque ejusdem constitutionis, similive sub climate viventes, & æquo marte infestant. Nova atque nova hic increpat arma; illic permulta ipsi circumstant prælia à se invicem disparia. Reverà quosdam lacescit non ità dirè, & quasi



per transennam; nonnullos torquet diutius; plures in vitæ discrimen adducit; omnes de medio tollit ocius, tardiùsve, Sexcentis enim perviam miseriis reddendo diem, sæpius breviorē, longiorē nūquam facit. Diversam propter, quam variis observare est in plagis, tum aëris, tum corporis temperiem præcocius, seriùsve ducit exordium atque finem. Ubi verò in chronicum evadit, quàm pertinacior laborum ejus perennitas, quàm diuturnior poenarum quas infligit, sevities multam in annorum seriem pertingit usque! Quot & quantas edat strages, quibus sacrilegis sese contaminet factis, cùm peracute sese gerit, quàm referre horret animus! Dum grassatur enim ejus contagium, nihil vacans ab illo, omnia omni implet clade, ita ut nulla post se supersint salubria. Sive matris in utero delitescat fœtus; sive libero credatur aëri foras exclusus; sive puer factus nutricis ab ubere pendeat, aut suis vagiat in cunis, ab ejus insultu non immunis. Patent & ipsi virgo, juvenis, adultus, vir, senexque, qui tam infelices, quàm infontes latus objiciunt apertum. Marem ac scēminam mutuos inter amplexus infando miseriarum connubio conjungit. Parentes cum natis suâ virûs propagatione pari fato tyrannidis more unâ tradit. Prægnans, puerpera que, gemina simul ipsi fiunt victima, tam mala quàm iniqua merces. In proceres non secus ac in mancipia sævit & remanet amborum poena. Scorbutica lui parit ergò omne genus humanum. Etenim quid prodest florens ætas, athletica constitutio, pectus æneum, prospera demùm valetudo? Quinimò quòd vegetiùs corporis robur, eò ferociori insurgit impete, eò citiùs veluti rebelles & frangi nescium invadit. Solo vel nomine adest undique terror statim, fuga, horror, mœror, edaces curæ, ingensque formido: tam privata quàm publica inhibetur congregatio; sanos inter & quoscumque ejusmodi labe correptos tota perit contubernii necessitudo. Præterea in dedecus, odiumve, ubi palàm renunciatur, à patre in prolem etiam refundendum, viceque versâ, vertitur & transit scorbutus. Quapropter horrenda injicitur mentio, molesta redit ejus recordatio. Nec gravi quodam (ut vides) absque rationis argumento pessimi semper fuit ominis, damnati instar nominis. Quamvis mundo serè coævus, veteribus parùm notus, recentioribus paulò adhuc obscurior. Invisum ergò atque novum quî foret agrotationis genus singulare, peregrinave species? Deterioris equidem indolis, pravâ hominum agendi ratione nunc factus, longè frequentior evadit, ubique popularis, nullibi locorum familiaris. Et si crebrior non occurrat ulla affectionis species; illum tamen unicâ & accuratâ nec comprehendî definitione, nec peculiari, aptâve descriptione adumbrari docilem experta est prior & posterior ætas. Quid mirum? Diversiformi jugiter sese promit indicio, Quoniam verò utramque latebat scorbuti indoles, historia, infinitæ ejus metamorphoses, has pro totidem distinctis autores habuere morbis, varia proinde ipsis dederunt nomina, & eum sic in variâ perperam dispescuerunt genera. Mox ab ejus naturâ appositè, mox à mirabili symptomatum varietate, ibi ab effectibus, hîc à læsâ quâdam corporis parte, & Gîngipedium increpant, ubi nulla ejus vestigia, dum aliâ vice hanc vel illam corporis partem ab ejus labe vindicant nocentem. Quid plura? Quoties insolitum ærumnæ genus offendunt, toties percelebri scorbuti nomine insimulant. Rara itaque & obscura nimis veteri præcipuè in Medicinâ ejus mentio, quem multis etiam cum morbis, quibus erat finitimus, confundebant, manca descriptio, curta, incerta, nullave medendi methodus. Multiplici specierum genere famosus! Nec immeritò. Pluribus in locis endemius; sporadicus in aliis, suos

magis ac magis extendit fines, de die in diem divagatur, gentes unà aggreditur omnes, quas unico, dissimilive inficit modo. Correpto gradu aliàs properans, suum brevè absolvit circulum, acutissimus. Veterno quodam aliàs remoratur gressu, chronicus. Hic sodali ex ægrorum frequentia, mutuove amicorum commercio & usu, contagiosus. Illic serpit longè latèque diffusa contagii lues, fonticus. Si à parentibus ad nos usque deducta transit, hæreditarius. Mala autem quævis ab hæreditario miasmate scorbutico profecta, præsertim noscuntur ex parentum valetudine, quibus etiam communes insunt affectiones sede mutabiles, vagæ, periodicæ, habituales, contumaces, similes, dissimilive. Ubi casu obtrigit, adventitius. Vel integram corporis invadit provinciam, universalis; vel quibusdam solùm partibus decumbit, particularis. Si perenni obsæpiat modo, fixus & habitualis; si interrupto, accidentalis seu transitorius. Sympathicus insuper, si aliena ab eâ parte, quâ virus suam exerit, actionem, prodit phenomena. Idiopathicus demum; si eodem in loco ubi virus sua patrat facinora, præstò sint indicia. Veram & adæquatam si velis scorbuti definitionem; simultanea est solidorum ac fluidorum depravatio virulento quodam humore peculiari & venereum æmulante illata. Humorem hunc vel ab origine intus latentem alimus, vel spontaneo aut fortuito naturæ vicio enatum fovemus, aut in alterius corpore efformatum contagii ope foris quærimus. Dum concitatori intrâ vasa devehitur motu, inflammatorius fit, undè incendio veluti in universum & in partem corpus deurit. Quamdiù efferus, æquabilive, quo fertur circuitus, tamdiù irregulares regulareve sortitur regressiones, ubi semel evadit periodicus. Has regit inæquales æqualeve, fugaces aut diuturniores, præmaturiores aut tardiores, ambiguas certave, subintrantes & indistinctas, aut discretas, prout dispari, pari, minori, majori, breviori, longiori, eandem redintegrat temporis intervallo. Sic inter se dissentiunt eæ omnes, quas eodem, hoc vel in illo subjecto inducit, periodi. Scorbutus & venerea lues alio nomine designanda veterum elephas, sæpè sæpiùs sibi mutuo sunt germani & congeneres. Tam origine enim quàm sede, more, signis, periodis & effectibus pares; discrepante licèt virus naturâ & indole plurimùm distent; uti causâ remotâ, medendi methodo & remediorum usu. Quamobrem non est undè mire- ris, si ita sibi invicem respondeant ambo, ut aliquandò reputetur unus pro altero. Una enim est sæpè & eadem utrique generationis via, proximaque ratio. Immanes, quos cient dolorum cruciatus, vesperè, noctu, manè, pari nisu utrobique ingravescunt. Conjunctæ sibi sunt crebræ nervorum contractiones, incertæ artuum jactationes, innumeri assurgunt simul variis in corporis partibus repullulantes undique tumores duri, scirrhusi, sparsim disseminati, ultrò citroque recedentes, recrudescentelæ. Caveas tamen, ne utrinque morbum misceas, & sursùm deorsùm verses. Jam verò non aliundè ipsis accedit omnimoda hæc similitudo, quàm ex eo quòd ambo proximè conterminas occupent corporis partes, & sibi æquè ac eodem ferè modo subdant. Quâ de causâ tam ægrè à Medicis etiam nostri ævi facilè principibus distinguuntur, quos sæpenumerò fallaci suæ speciei imagine ludificant. Nec venereus morbus is est solus, quocum paternâ similitudine pugnet scorbutus. Sexcenti sunt adhuc alii, quos inter præcipuè annumeres rheumatismum, arthritidem, podagram, rachitidem, purpureas febres, miliares, variolosas, erysipelatosas, petechiales, ipsam pestem, cæteros denique id genus morbos in quos solet spicari quotidie. Hi omnes naturâ, indole, maximè propinquis gaudent, & singuli ex eadem, undè ortum ducunt quoque bubones, carbunculi, parotides, oriundi sunt familiâ. Iisdem aut simi-

libus aliundè invehuntur causis ii, qui solâ virtûs alterationis varietatè, quantitate, & variâ partium naturâ, in quibus consistunt, inter sese differunt. Quibus ex principiis haud natu minor est scorbutus, quàm morbi isti, qui legitima ut plurimùm, ne dicam semper, & ubique cedunt ejus soboles eâdem ratione, quâ ipsemet etiam legitima sit morbi venerei progenies & terminus. Sic alter alterius viget auxilio morbus; sic mutua infinitos propè inter affectus servatur connexio necessariûsque dependentiæ mechanismus. Sic ingens eorum numerus pluribus cum aliis, licèt facie, sede, causâ inter se diversis, prorsùs certat, ambiguum penès symptomatum, signorum & effectuum similitudinem. Sic fratrum propter quendam curandi modum, ac eandem medicamentorum electionem, felici cum successu non rarò debellantur omnes.

I I.

QUEMADMODUM in acutas Sceloturbe; ita chronicas quoque in læsiones se se spargit undequaque. Cujus feracior proinde non est regio una, quàm altera. Idèd primariam ejus si quæras originem, propriamve explores sedem, hanc potiùs quàm illam non inviseas. Boreali non magis quàm alibi, Europæ vernacula res. Totus enim orbis, cujus in circumscriptione proteiformis erumpit, & iniquo grassans pede populatur, tota sibi patria. Ejus enim in sinu suum hausit principium, suaque posuit incubula. Nec satis, Angustiores nunc intra limites æstuat. Frigidissimas ergò, ubi chronicè incolit; temperatas, ubi peracutè variat; torridas, nimioque sole ferventes, quas inter furit peracutiùs, adeas nationes. Septentrionalibus tamen in plagis, prægnantem luis scorbuticæ mineram unicè à naturâ fuisse reconditam antiqua erat opinio. Nullos inde præter maris baltici incolas, quibus congenita esse credebatur, vexabat; ibique natalem inter ditionem sese continebat ulteriùs haud excessura. Heus vixerit hæc fabula! Cùm totâ in rerum naturâ nullus sit locus, tam arduus aut abruptus, quò eniti ac penetrare non valuerit, & ubi tyrannicè non dominetur. Multus verò jam annus est, ex quo regiam per Lutetiarum civitatem desævire visa est. (a) Quovis eam insequareis, non eandem ipsi semper invenies figuram. Sed alia Parisiis, Roma & alia, &c. Nam singulari tum corporis, sexûs, ætatis, passionum, victûs, consuetudinis, tum anni tempestatum, cœli tractûs, aëris, climatis, regionisque intemperiei ac diversitati congruam assequendo formam, sic diversos apud populos præterdit facies plurimùm à se invicem abludentes, varias efformat ægrotationum species, dissimiles producit effectus. Sicut unaquæque gens diverso sub cœli posita sita, privata habet commoda, privata inesse etiam incommoda consequens est. Sic Hispaniam infestat strumâ & cholera morbo scorbuticus humor; Lutetiam catharro, humidâ tussi, rhumatismo; Angliam sudore inflammatorio, *suenâ* dicto, melancholicâ passione; Bataviam hydrope, hemicraniâ, & quâlibet febre chronicâ ac intermittente; Germaniam anazarcâ, febre miliari, omnique cacochymix specie; Daniam inveterato & pravi moris ulcere; Hungariam lethali dysenteria; Russiam præhumidâ gangranâ ac verminosâ materie; Norvegiam hæmophthoicâ consumptione; Sueciam omnimodâ ventris dilaceratione, & purpurariâ per hyemem febre, quâ desinente in squamulas totum abit corpus; Hiberniam erodente herpete, Quâ plurâ Alpes gulæbotio; Lusitaniam hæreditariâ phthisi, ictero & hepaticæ; Norvegiâ frequentî carbunculo; Italiam tympanitide, podagrâ; Indiam venereo morbo; Ægyptiam elephantiasi; Turcas peste & cæteris ejusmodi morbis; Sianenses morbo sianensi dicto passim inficit. Endemiam insuper Helvetiis parit Vostalgiam, alteram melancholiæ speciem, Berneacensî adeò familiarem, Com-

(a) Voyez les Dissert. de M. le Camus dans le Journal économique, Février, Mars, Avril, Mai 1753.

munis ejus radix manet altis in abdominis visceribus reposta. Poloniam demum plicâ, rusticis etiam infantibus apud nos valdè populari, deturpat. Singulare id maligenus, nodosa est articulatim capillorum madidis præ fordibus induratum congestio, cui locum dat parentum incuria. Sequaces hujus & individui comites sunt dolores atrocissimi, spâsmi perennes, sub nocte ingeminantes, universalis, uno verbo, corporis consumptio. Sic etiam inæqualem ob anni temperiem, atrocissimas hyeme quotannis invehit Anginarum, asthmatumque species, febres tam ardentes quàm putridas, graves vere peripneumonias, variolas, pleuritides ætate immodicam propter siccitatem, febres intermittentes & chronicas autumno, ac insolito præ fructuum proventu & copiâ diarrhæas ægrè curabiles. Sic ratione ætatis diversâ, non minùs quàm variâ pro tempestatum vicissitudine portentosas affectuum phalanges ostentat, quos etiam diversis in corporis partibus deponit. Sic pueris caput achoribus, crustâla cæcâ, hydrotide, hydrocephalo, pedicularique morbo premit, humidis oculis sinistrè lædit ophthalmiis, milleniisque aliis passionibus, aures humiditate diffuunt, rubent ac pruriunt, quibus à tergo surgunt parotides, madent nares, polypo implentur & dolent, innumeris os scætet aphthis spumigerum, phlogosi identidem intumescunt genæ, pulmonem obruunt tubercula, cordis palpitatio; singulu tripudiat diaphragma; nausea, vomitus cujuslibet generis ac pèrtussis contumaci ventriculolum fatigant; intestinum vexant tormina, hæmorrhoides, fistulæque; mentem vigiliæ, nocturni pavores, convulsiva dentitio, irrequietus gingivarum pruritus, spontanea cruoris effusio, dentium caries, vacillatio, nigredo, flavedoque, lenta febris, perpetuum urinæ stillicidium; natium intertigo, multicolor alvi fluxus pessundant. Quibus herniis non laborant ii, quos sæpe torquet ani procidentia, viscerum infarctus, ventris durities, protuberantia, artuum resolutio, Chorea Sti. Viti; omnisfaria ossium discrasia, ultimus vitæ terminus atrophia? Ubi natu-majores, in vesicâ crescit calculus, toto in corpore exurgunt scabies hinc & inde, furunculi, ulcera. Titubante linguæ plectro balbutiem parit, cæcitatem, surditatemque, somniantis primitus naturæ deliramenta. In viris guttam roseam explicat, nephritidem excitat, postquam hæmorrhoides in juvenibus, hæmorrhagias, immodicum veneris appetitum, maniam, epilepsiam, catalepsim, fatuitatem & impetiginem produxit. Ingratâ demum salivæ excretionem, apoplexiâ, lethargo, paralysi, introductâ sensuum, motuumque siderationem impetit, & sinistrâ oris torturâ, diabete, lienteria, anno-sâ, matutinâ, torminosâque alvi profusione, nimiâve constipatione, lapidosâ chiragrâ, iniquâ humorum colluvie fallacem memoriâ ferit senectutem. Sic habitâ sexûs ratione chlorosis, pica, malacia, uterinus furor eas deturpant, quas jam maturas viro adurunt virgines, vel albo fluore præmaturè inficiuntur, vel earum menses depravantur. Passionem hystericam, sterilitatem, prægnantium abortum, mala puerperarum lochia, morbosam sitim, inappetentiam, depascentem mammarum cancerum in muliere prodit, ex pollicis dextræ intercapedine sæpe elicit menstrua periodico modo. Homini tument testes, hydrocele laborant, seminales ingurgitant vesiculæ; muliebri æmulus interdum suis è genitalibus prorumpit fluor albus. Sic denique multiplex etiam est, qui penès temperamenta à scorbutico lare inducuntur, morborum generatio. Aliis enim sanguineam & athleticam, biliosam aliis, melancholicam his & siccam, pituitosam illis & cachecticam in constitutionem facescit, solidorum, fluidorumque prætermodum invertendo naturam. Proximam hinc omnium malorum, longioris præsertim durationis, illud venenum semper esse causam nonnulli contendunt. An jure, an immeritò,

videat quisque veritatis assertor & æquus rerum æstimator? Dummodò incredibili horumcæ, & infra dicendorum diversitati idem parentis morem sæpiùs gerere pro certo teneatur. Postquàm verò duplicem inter cordis thalamum sanguini committitur ejusmodi fermentum, cæteris deindè ejus liquoribus circulationis ope permiscetur: universam tunc subit machinam, quam animalem penès œconomiam in totum partimve labefactat. Successivam subactione mirum in modum variatà patitur alterationem, novas atque novas continuò experitur elaborationes. Perpetua enim solidorum actio, perennis fluidorum miscela & circulus à se invicem alienas magnoperè efficiunt eas, quas mutationum adit vicissitudines. Constantem itaque & eandem ubicumque sibi retinere indolem non pote est. Diversam potiùs comparet atque huic illive corporis parti magis aut minùs similem & analogam, necesse est, principiis in aliud adedè mutatum. Hæc ratione continuatum, ita redituque pluriès iteratis, cursum relegendo, nostris & solidis & liquidis suam imprimere labem aptum evadit, quatenùs utrique magis aut minùs proxima accedit ejus indoles. Præterea habet à se, ut peculiarem istis, eandem faciliè contrahat ac mutetur indolem; unde in nihilum, pejusse ruit, pro ut ab ipsis superatur, vel suum vicissim conciliat ingenium, ubi simul habet prædominium. Aliam iisdem partibus non solum exhaurit sedem, alium sibi arrogat vultum scorbutus, suas quoque eodem ex fonte diversimodè obtinet periodos. Copiosà pariter causarum turbà habet, undè specioso passim vulpine tur simulacro. Sed hujusce virus aliis suà præ aciditate vitriolicum, nitrosum, salomuriaticum; quibusdam ammoniacale; nonnullis austerum, tartareum, deurens; aliis suà præ acrimoniam, alcalinum, fœtidum, putrefaciens, corrosivum, ichorosum, deleterium; aliis glutinosum, pingue, vappidum; aliquibus ferofum, pulraceum, chylosum, lactescens, fatuum, pituitosum, filamentosum, argillaceum, gypseum, concrefcens, calculosum, aliis flatulentum, &c. Erunt ergò tot scorbuti species, quot variaz dantur ejusmodi virùs dotes, quibus constituitur ipsemet. Hinc non in solà & summà humorum putredine, nec præternaturali & solà in sanguinis dissolutione ac insolitè lymphæ acrioris spissitudine simul conjunctis unicè reponendam esse totam scorbuti essentiam colligere est. Nunc enim in unà cruoris parte rectiùs, nunc in alterà seorsim simulve, totà in ejus massà rariùs, neque in sanguine aliquandò, neque in lymphà, vel in utroque simul peccante aliàs continetur ejus natura. Equidèm corpori adesse quidquam ejus veneni contagium ullà sine tùm sanguinis cùm lymphæ culpà, præsentè verò humoris cujusvis alterius peccato, quid vetat? Ast illud intùs forisve multiplici accersitur viarum genere. Duplex solummodò est ea quà habetur intùs, generationis ratio, embrioni nempè quasi per manus reservatum traducitur parentum maleficio, vel protractiori & inveteratà nimis alicujus functionis perversione excitatur. Foris per contagionis modum promovent lactatio, contactus, halituosa & maleolens anima, saliva, sputum, perspiratio, sudor, genitalis liquor, intùs suscepta, uti assidua ægrorum communiò. Contaminatur ita horumcæ aliquibus vicinior aëris atmosphæra nos ambientis, cujus ministerio corpus sanum corrumpitur, in quantum per cutis meatus, trachææ arteriæ spiracula, aliove modo exhaustum virus in sanguinem protruditur. Ibi in actionem primariò erumpit, quam ad chylosis deindè aliaque organa circulationis beneficio deducit continuatam. Haud alterum à venereâ lue in eâ, quà contrahitur parte sæpiùs, non semper manifestari solet. Illud etiam commune est purpureis, variolosis, petechialibus febribus, ipsique pesti. Sed illæ totidem sunt nativæ scorbutici hu-

rioris propagines & efflorescentiæ externo ab aëre insectæ. Alienæ quamvis appareant inter se, nonnisi disparem ob alterationis gradum & sedis locum inter se differunt. Una siquidem ex eis in aliam crebrò, viceque versâ, mutatur & desinit. Quo pacto morbo morbus spontè remediisve aliorum pellitur, non curatur. At cursum ejus & statim, quocumque se vertat, invictè dirigit, duce naturâ, major minorve solidorum debilitas, fluidorum analogia.

I I I.

STOMACACE, cui adaugendæ multò frequentior famulatur occasio; infinitis adducitur causis. Hæ externæ, internæve. Nullæ, quotquot sint, venenum ejus asportant, nisi prævia quædam in corpore adsit proxima ad suos effectus excipiendos dispositio. Secus vasa subiret incassum, & aliquandiu remaneret iners ac quasi sopitum; donec insigni tandem absque dispendio eliminaretur. Undè exurgat ejusmodi dispositio, si cupias, sine quâ irritum sit virus, nec aliundè ponitur scorbutica lues? Hanc censeas igitur penes solidam aliqualem esse rigiditatem, spasmum, crispaturam, debilitatem, laxitatem, resolutionemve inchoatam ac præternaturalem, &c. Ex parte liquidorum dissolutionem esse credas, lentorem, acrimoniam, secretionem, excretionemque simul quadantenus læsas & motum horumce devium, majorem solito, minoremve. Quare non aliâ ratione ea insertur scorbuti species, quæ à contagiosi halitus indole advolat. In sanguinem enim, dum irreptat venenum, mox cunctos, mox quosdam duntaxat vitæ latices (mox nullos) hoc vel illo modo veneficat, eo quidem pro rationum momento, quo ad labem admittendam remotè aut proximè disponitur corpus. Et si parem inde excipiant aërem telluris ejusdem incolæ, cur non omnes eandem in urbe, eandem in domo ægrotent, & cur nec eandem laborem affectione, eandem prorsus licet contagione perstringantur, in propatulo est ratio. Næ aliis ociùs, ferius alii, aliqui nusquam eos inter, qui cum contagiosis assidue versantur, ejus efficaciam experiuntur. Undè id discriminis genus, amabo? Nonne à remotiori, vel proximiori (aut nullatenus,) dispositione, quam adauget solum causarum cohors? Jam verò illarum classẽ ducant Maritima loca, lacustria, stagnosa, uliginosa, spongiosa tellus, celliora & abrupta inter montium cacumina depressa nimis inhabitatio, ut in Finlandiâ, Norvegiâque; domus altos supra montes posita, ut in Hanovriâ, recens extructa, lignove, ut in Moscoviâ, vel calce durata, gypsove, ut in Galliâ; marmoreo, faventinove lapide, ut in Batiâ, ad hominis ferè altitudinem instrata, facie exorienti soli averfa, malignâ in luce locata, fenestris brumali aeri apertis, incolis frequens nimium, nec internis à sordibus repurgata, umbrosi situs; angusta nimis casa, inferioribus in terræ penetralibus immersa, quâ libera impeditur perspirationis functio. Nec minùs nocent regia, in quibus enitescunt marmorum divitiæ, amplioraque palatia. Præfens ibi regno perenni persentitur & congelescit frigoris immanitas. Flumen, stagnum marinum, salum, fecrens, putridum, ruri domesticum, imprimis apud vinatores, fervidâ æstate ærefactum, putrefactisque algis aut stipitibus aliis deustum. Scorbuticum virus non solum præstant hæc omnia; ejusdem verò periodicam quoque instaurant reproductionem. Sic curatus probè licet scorbutus, nisi mutetur habitatio, eodem in anno, inversâ præcipuè tempestate, pluriès redit inexpectatus; sive idem indole, sede prorsus similis, vel longè distans à præterito sit. Combusti foco, qui præsentem putredinis fomitem ponunt terræ carbones. Domestica non secus eandem suscitant sterquilinia ex plateis

collecta. Fuliginosi & venenosi nuper reclusis à terræ visceribus in auras sublimes minerarum suffitus, quibus in medium proferantur sava virūs irritamenta. Levissimus auræ venenatæ intra corpus illapsus quàm nervos suo stimulo concutit, quàm majores proinde vel numero pauciores interturbat functiones ! Trita nimis ergò hæc & malefida cautiùs sibi prospicienti, sedulò vitanda. Incondita cadavera, quorum halitu ac contactu corrumpitur aër externus. Inconstans illius, qui sibi nusquam ac nullibi similis, constitutio, suas penès qualitates omne vitium, perpetuæ, quas eadem in die alias atque alias sæpè apud nos subit vicissitudines. Eò nocentiores, quò magis repentinæ. Hyemale frigus, procellosa, crebra & chronica nimium pluvia, nebulosi venti, austrini, diri, sicci, ubique perflantes, improvisa ætheris quælibet mutatio ac miasmata ipsi permixta & naturâ imparia. Acida enim sunt, vel alcalina, venenosa, fixa, volatilia, &c. quibus multifariam inficitur aër, corpusque nostrum. Totam verò illius molem ab iisdem esse omnino venenatam, dum scorbutus passim debacchatur alterum contagii genus factus, ne credas. Disseminata hinc & inde pervolitant miasmata, quorum in corpus intromissione in actum trahitur ac evolvitur scorbuticus humor. Cujus semina nostro in corpore, æthere nusquam germinant, crescunt, maturescuntque deposita. Quamobrem homines nec indiscriminatim lædunt omnes aëris venena, nec ipsos ingruenti virui pariter reddunt obnoxios. Nocivis quas in liquores ingerunt particulis, in æstum eisdem impellunt, in tenues resolvunt exhalationes, aut spissum densant in coagulum aut fegniore motu retardant; fibras quoque humectando laxant, vel exsiccando nimis rigidas efficiunt. Variæ & inæquales, aut inversæ anni tempestates; solemnis aquarum longè & latè effusio, diuturnior terris earum incubatio; insoliti terræ motus ex improvise scorbuticæ sui non rarò dant initia; præposterus acidularum, thermarumque usus & vicinia. Priores, quatenus acidæ ab omni ævo habentur nervis infensæ. Hoc etiam sub titulo infirmis ventriculo, pulmone debilioribus maxime adversantur. Posteriores in universalem machinæ æstum, dissolutionem & atrophiam deducunt. Aqua lutosa, turbida, lapidescens, calculosa, argillacea, calcarea, tartareo sale acidove quolibet turgens, metallica, corrosiva, diversæ sordibus naturæ polluta, umbrosis stagnans, aut defluens, gelida, calida nimis, pluviosa, paludosa, maleolens, detritæ cannabis sphacelo & cloacarum cujuscumque generis venenosa inquinamentis, &c. Pravis enim adeò imprægnata dotibus stomachum gravat, cibos difficilè coquit, lactea ægrè permeat vasa & sanguini, cæterisque liquoribus omnia, quæ è terræ gremio secum provolvit, confert impura. Sic vel succos primarum viarum, in quibus stabulatur, tenaces & improbos reddit, vel intrà secundi ordinis vasa delapsa cruoris massam alienis dotibus vitiat. Suis proinde ut immorentur incerniculis, varios utrinque cogit humores. Propulsanti jam contagio hoc modo viam quasi parat & sternit. Quin imò incrementum ipsius additur longè plurimum evolutioni ! Vinum album, dulcissimum, merax, aescens, turbidum, vappidum, recentius, generosius, parùm fermentatum, largius, nocte eptum, austerrum, tartareum; immatura demum, mustæ vindemiæ & omne acetariorum genus, quàm scorbuticis nociva sint quoque, vix credibile ! Quibusvis eadem de causâ à liquoribus ardentibus dictis, puta coffeâ, chocolâtâ, &c. temperes. Inimicæ eorum actione indurantur, crispantur solida, exsiccanturque; coagulantur, inspissanturve, calefescunt, dissolvunturque fluida. Scorbuticum proinde virus ut adesse festinet, morem gerunt. Damnosa pariter venit Cerevisiæ, Pomaceique adhibito. Utrumque crassiores, gignit humores, obstructions

parit,

parit, colicos invehit dolores suâ facili effervescentiâ; flatus quoque, quorum irritamentum fit hæc, turmatim colligit immanes, & maximam crudorum copiam suo pro more congerit: potûs largior usus, multos in annos protractior ebrietas; farinosa vegetabilia, leguminosa, nihil nimisve fermentata, non cocta, recentia, acido-mucosa, immatura, austera, terrea, chylosa, lactescencia, acriora, calefcentia, aromatica, aquosa, frigida, glutinosa, succulentiora, venenosa, & fungi omnes deleterio prætumescentes succo: universalis segetum sideratio, prævæ harumce dotes, annonæ caritas, cibi cuiuslibet parcimonia, immoderata fames diûve tolerata, angusta domi res: quæ omnia vitæ fundum ita evertunt, ut ad putredinem citò vergat cruor instanti letho proximam. Huc accedant insuper cæna vespertina nimis pleniorve, alimentorum ingluvies & prava victûs ratio: quæcumque animalium pars chylosa, facile acefens, oleosa, medullaris, adiposa, membranacea, &c: nimius eorumdem hepatis ac bilis usus; lacticia, butirum, caseus, inveterata præsertim, insulsa, salitave nimis; plenior mellis copia, aliaque id genus, quæ vel leviore fermentatione in materiem abeunt caseo lactis presso æmulam dum primariis in viis nidulantur, vel alcalinâ putredine laborant: maritimi pisces, fluviatiles, stagnosi, amphibium, repens, volatile genus, caro cruda, ferculum Ianioni aliisque benè multis usitatum, porcina, hædina, ovilla, pessimive succi, aut junior, vetusta, bovina, sale condita diutius; panis mollior, recens, inveteratus, biscoctus, improbæ qualitatæ, & micæ ejus abusus; cibi pinguiore, crassi, saccharati, fumo indurati, mensa opipara, insolita optimorum assumptio, mutatio repentina, præposterus eorum usus; unde familiare fit contagii vehiculum: omnia hæc scorbuticam sæpè in phthisim ventriculo infirmos præcipitant, in quantum salsum, acriorem, spissum, æstuosum, irritantemque cruori sufficiunt chylum. Vomitoria validiora, aut frequentiora, quibus mulctatur stomachus, vehementior purgatio & iterata nimis, amara, antispasmodica, absorbentia, anodyna, opiatia, quibus depravatur ciborum coctio, & venena quævis; incauta topicorum, oleosorum præsertim & acrium applicatio, inæmpesta manu frigidam in aquam, aut totius corporis immersio, & balneorum usus; prælonga junioris cum seniori, multorumve simul eodem in lecto cohabitatio: calvities præmatura, morbove succedens, senilis conceptio, subeffæta parentum generitura & improba, quæ ab iisdem transmissa est humorum crasis; nutritrix scorbuticâ jam labe affecta; neglecta corporis mundities, trunci artuumve denudatio hyemali præprimis tempore; coercita frigore subito pedum perspiratio, dum humidis hi madent caligis; longinqua navigatio, celebrata inter brumæ solisve furores equitatio, ejus frequentia & excessus: immodica laborum exercitia, pertinaces vigilæ, irrequieta insomniæ vexatio, nocturna meditatio, studiorum morositas, liberæ mechanicæque artes multæ; singula enim corpus exhauriunt. Aliâ de causâ procûl ab homine exulet somnus profundior, æternum tam animi, tam corporis otium, utriusque tumulus, quo torpet Parisiis muliebre genus. Odoramenta sæpè naribus admota, vel suffimenta, quibus ceratim toti imbuuntur trossuli non secûs ac matronæ potentes. Multiplicando præter spem & insciè veneno, suâ pro virili parte allaborant, & proveniunt ejus hoc modo præmaturant. Quantam enim in solidis turbam, tantam in fluidis illi intendunt procellam. Hoc damni quotidianâ non manet dubium experientiâ. Etenim quotiès in lactis effusionem videlicet, icterum, & hystericas passionès, indicis eo loci virorum malis, mulieres im-

pegit eas, quæ vel aromata gerunt, ut gratè spirent, vel naso admovent? Si myrropolio viciniore, tam naso quàm ore, pulmone, & cutis meatibus combibunt odorata, iisdem proinde subjacent ærumnis Nonne animus fatigant, caput gravant, vertigines procreant in nervos incita, & corpus in universum à statu naturali dejiciunt? Quoad internas autem causas, jure ac meritò turmam ducant inordinata animi pathemata, quæ scorbutici virûs principio & ulteriori ejus propagationi sunt incitamenta. Primaria eorum se habet præmatura, interemptiva, copiosa nimis, aut nulla veneris licentia. Prolificum ubi semen turget suis in conceptaculis, non minùs in morborum seminarium facessit, quàm nefanda ejus dissipatio. Hujus veritatis in utroque sexu plurimà non desunt exempla! Mendaces postea deliciae, dissolutæ voluptates, intentiores remissioresve animæ motus, *v. g.* ira, amor, mœror, tristitia, invidia, metus, &c. Perpetuò si hominem vexent istæ passiones à latere sequaces, perpetua misæmati suppetunt fomenta. Liberalissima & iterata nimis venæ sectionum copia, aut frequentia; morborum multitudo, atrocitas, diuturnus ævum, fucata eorumdem curatio; regurgitans boni cruoris & humorum ejus abundantia, parciore præsentia, intentior remissioresve fluidorum vis, energia & motus. Major æquo aut minor viscerum ac vasorum sensus, motus, robur, tonus & actio. Immodicæ, imminutæ, abolitæ ac depravatæ tùm secretiones tùm corporis excretiones, sive periodicæ, sive perennes. Contumax quorundam viscerum infarctus, & alia quævis malè morata pars quoquomodo vitietur, eâ tamen conditione, ut prælongiori sit in vitio. Sed quod notatu dignum est, causas inter scorbutici virûs efficientes malè reponitur sæpè mercurius ac cortex Peruvianus. Ambo enim, nisi nimio aut diuturniori adhibeantur usu, non tam illud inferunt, quàm sedis ejus locum mutant. Sic vel ad dentes, gengivas, linguam, totius oris & palati cavum amandant, vel ad alia corporis colatoria intûs, aut extûs collocata. Nec hypochondriaca, nec hysterica passio, neque melancholica, neque maniaca intemperies, nec athletica, nec cachectica aut pituitosa constitutio à naturâ sic comparata, morbo aut aliâ de causâ immutata semper illud promovent. Adjuvantes pariter ipsi non sunt causæ febres continuæ, aut intermittentes quotannis vere vel autumnno reduces. Propagata potius hæc & illa sunt scorbuti soboles & metamorphosis. Eandem quoque de omni ægrotatione periodicâ aut erraticâ, sententiam feras. Hûc accedant tandè spinæ ventosa, scorbuticæ, Rhumatismus, arthritis, herpetica labes, ulcerosum genus, si inveterata, &c. Sive à corporis peripheriâ ad centrum, & vice versâ, retropellantur, sive ultro aut remedium ope recedant hæc mala, scorbutico à lare singula proficisci meridianâ luce clarius. Nedùm ipsamet contingant scorbuti materies, reverà ipsemet scorbutus sunt indole, sede, ac formâ solùm mutatus.

I V.

NON solùm multiplex & diversa est humoris scorbutici indoles ac causæ, verùm etiam multiplex ac diversum est ejusdem promptuarium. Quæcumque secum trahat incommoda, quâdam absque congestione se gerit nusquam. Totuplex ejus hospitium, quoduplex dispar, à quibus mutuatur, partium genus. Omnes liquidè & singulas, quibus prorsus accommodum esse ne dubites, indiscriminatim occupat ille, ignoscendo earum nemini. Sicut nenum incumbere non valeat, nulla. Illud igitur alibi, quàm in solo viscerum abdominis systemate per nos liceat, ut suum nanciscatur fomitem. Om-

(a) Vid. Thekm. An sibi invicem auxiliantur diversæ Glandularum Fontiones. An
1753.

nis pariter, ejus ad exemplum, febrium natio suum non perennet semper (ut in ore omnium est) acetabulum solo in viscerum imperio ; nec tota intermittentium cohors solis in infimi ventris visceribus de more solito jugiter hospitetur. Etenim stabiliendæ huicce opinioni suffragantur unâ scapellus anatomicus, praxis, observatio, experientia & ratio. In exemplo sit igitur pernio, panaritiumve, altera chiragræ species à naturali vix degener, arthritis, rheumatismus, acutus demùm quilibet dolor in articulis, periosteis, musculis, artuumque membranis sæviens. Nonne magnam quotidie concitant febrem, tum continuam, cum intermittentem, cui locum dat reflua in majoris ordinis vasa illorum materies? Haud excipienda est etiã maligna febris, petechialis, aut alia quævis ejusdem farinae. Sic physicam reddere rationem, cur debacchantibus illis, aliter & aliter se habeat œconomia, leve negotium. Tota interim cruoris illarum stare videtur crasis, nec secretionum, nec excretionum vulgari nomine conspiciarum in aliquo peccat munus. Omnes potius laudabiles & quales in sanis, deprehenduntur, gravissimo licet virûs furentis accessu corripitur æger. Ingens aliàs virium debilitas, summave prostratio, pulsus debilis interdum, aut naturali prorsus similis, inæqualis, æqualis, intermittens, celer aliàs, durus, magnus, vel constrictus nimium. Pessimè judicat ergo quicumque idem semper, & unicum incusando viscus, ignoto autem & inulto unius vicio, damnaræque simul alterius innocentia, constans virulentæ materiæ non alibi, quàm in illò inveniendum esse receptaculum statuit. Sic etiã ejus ad exemplum longè ab angusto veritatis tramite recedunt ii, qui solo in abdominis cavo unicè & constantè virulentia natales deponunt. Sic infelici cum successu alii in hepar, in lienem alii, quidam in ventriculum, nonnulli in pancreatem, hi intrà omentum, illi in intestina, plures in abdominis musculos & peritoneum, pro ut somniant omnes, ad nutum refundunt. Quos quidem de falso redarguit repetita cadaverum sectio, ac peritissimum artis nostræ exercitium, quibus variis inesse variis corporis partibus scorbutici sedem humoris constat. Sive solitariam iste, sive multifariam in eodem simul subjacente figat: integrum enim eundem in locum mineræ fundum perpetuò non immittit natura, sed aliquale duntaxat ejus rudimentum, nec perenne unicà in parte desigat ejus fundamentum. Tali aut simili ducta consilio, dum quis periodicè laborat scorbutico, finit ad summum ex usu saltem recepto prospiciens illa mater, ut supersua & regurgitans nimis huc & illuc intra corporis cancellos divagetur portio, & præcipuam interdum mineræ summam ægrè amovendæ natali in loco rueret supersititem. Alioquin tota si contagii in motum ageretur materies, in perniciem brevi rueret machina. Quibusdam in abdominis visceribus aequè ac cæteris in partibus aliquando capit exordium, unde ad alias occasione datâ derivatur partes scorbuticum virus. Illud quidem ultrò concedere lubet animus. Estne idcirco præcipua ac perpetua in hac regione ejus partitæ? Frequentioresne ibi perflant ejus procellæ? Estne major ibi ac diuturnior Nequaquam. Etsi virus aliundè huic vel alteri non rarò decumbat visceri, nativo tamen illius succo, nec semper, nec per se magis est analogum, quàm alio cuivis humori, nec ipsi pariter potius quàm alteri commiscetur. Sed aliquoties lymphæ, rorisve nutritii, quibuscumque secernitur, beneficio visceri subministratur. Res illustratur exemplo. Billiarios inter poros toties non stagnat atque continetur, quoties hepar obsepit virus. Lymphæ id eolum irroranti

quâcum separatur, magis proximum & intermixtum est, quam bili; undè vaginosas hepatis solum inter membranas tunc immorando congeritur. De cæteris cujuscumque cavitatis visceribus & aliis corporis partibus idem esto judicium. Varias sæpè non aliter procreat functionum læsiones eâ proportionè, quâ totum vicissim perlustrat circulando corpus. Plures enim ipsi non desunt rationes, quibus à crasi legitimâ corpus pervertit. Re ipsâ suæ præ indolis varietate in sætu aliter, aliter in puero, vere aliter, aliter autumnò, strumosa in labe disenteriaque aliter, &c. Mirabilis autem hæc varietas à multiformi elementorum naturâ, mixtione, proportionè, crassitie, tenuitate, texturâ, intestino cruoris motu, morâ & actione adeò pender, ut aliam indè prorsus contrahat indolem. Nec ipsi id peculiare soli. Vegetabili, animalique obviâ in indole, mole, duo. Sic pro variis etiam quibus donatur ejusmodi fermentum indole, mole, causâ, quantitate, motu, actione, acrimoniâ, sedeque diversos producit morbos ab unâ quasi radice pullulantes, quatenus solida, & fluida omnes secundum quos immutari possunt modos, depravat. Quamdiù tamen blandas & æquabiles servant oscillationes illa, & suas ritè perficiunt hæc functiones, eadem ullatenus nequit perturbare. Si à crasi suâ dejicit utraque, pristinum facillè recuperant statum Undè quod exoritur mali, aut nihil, aut levissimum. Quandò multum ac multiplici, aut quâdam in parte solum peccat corpus, tunc reconditum in cruoris gremio brevi tardiùsve ex improviso sese pandit contagium quod suas exercendo vires, has vel illas afficit partes. Suum quomodo publicet progressum & intendat, fortè quæris? In tantum evoluitur, ubi congenitum, ab externâ internâve causâ; vel efformatur intus, ubi adventitium, in quantum distractâ impensius ac impensius functionum re, à statu prælongè sano desciscit homo. Quamvis à naturâ imprægnetur hoc vitio, optimâ interdiù perfruitur valetudine, donèc fuscipiantur intrus foras quæsitæ pravi moris particule, aut aliâ quâvis ratione inturbetur œconomia. In actionem ac evolutionem impellitur ulteriorem multiplici quidem viâ. Itraque dum solida ultrâ quàm par est, tenduntur, laxantur, dissolvuntur humores, inspissantur, alcalescunt, utrinquè virus nocet summo perè, nisi parciore sit quantitate, ut à suo munere peragendo partes removeat. Quo in casu circa utraq; serpit innoxie. Luculentissimum in fermento farinæ commixto lucro apponas ejusmodi exemplum. Si enim parvâ nimis sit mole, debitam in fermentationem eam non adducit infirmiori impar actione. Quare nulla supponatur ergo scorbuticum virus inter & nocivas, quibus in nobis generatur, aut promovetur particulas, & corporis compagem, nulla indè subnasceretur scorbuti species. Ex oppositis si quolibet agente ea fiat mutatio, quæ promovendæ ulterius veneni evolutioni faveat, proximus indè eveniet suis stipatus phenomenis. Deturbatur interim solidorum oscillationes, cruoris circuitus & glandularum functiones. Deteriorem igitur sub partem perducitur corpus, quoniam malè se habet antea, nec illud est quod irrumpenti veneni contagio suâ constitutione adversetur. Quas si non invenit dispositiones, dum corpus subit virus maxime quantitate, illas è nihilo in lucem eruit ociùs, imprimis si actione potens. Sed nihil à se in omnibus magis discolor! Quàm facilis nunc ejus mobilitas, quàm difficilior nunc intra vasorum parietes ejusdem circulus, incredibile! Quanta sit motuum ejus varietas, quantâ nunc eundi redeundique ab unâ non amplius dolente ad aliam, ad quam dicto citius transit partem, gaudeat facilitate, quantâ nunc præpediatur lentoris difficultate quis credat? Næ subitis loci mutatio-

nibus quid magis obnoxium? Quot varios morborum insultus, quot morbos diversæ naturæ suâ præ inconstantia in medium profert? Cum enim plures simul corrumpit partes, morbi inde oriundi sunt mixti, & à se invicem dissimiles. Ast ubi actuosum & agilissimæ est naturæ, quamvis ea quæ corpori impertitur, non nisi exilissima sit ejus pars, quamplurimum excitat tumultum! Subtilissimæ instar alterius auræ ac perniciosior nullo sensu tunc, solo autem effectu percipitur. Quammultum diversæ obtinent eæ, quas tangit, partes! Nec mirum. Mox sale ac sulphure valens & suis igneum particulis universali corpus deflagrat æstu, nervos irrequietè proritat, solidorum oscillationes vehementer augeat, fluida rarefacit, acrimoniâ exacuit ac prætermodum dissolvit aut assiduâ tenuioris exhalatione inspissat nimium, bilem exasperat acutorum scaturiginem, obstructions fabricat chronicorum parentes. Mox putrefaciens omne quod lambit, suâ acredine consumit, mox principiis effecetum, vigoris expers & crassius suo lentore densat, vel in grumos cogit, quos in putredinem ducit pedetentim liquores, magnæ mox feri copiæ innatantes sanguinis globulos reddit; pessimo sic etiam inundat solida diluvio, quæ amplius non vibratura emollit; & triplicem non alio modo eorum motum, elasticum nempe, tonicum ac muscularem, multifariam evertit. Omnem demum liquidis aliâ suâ ad incernicula & excretoria præcludit aditum. Hinc sanguinæ, hinc lymphaticæ & aliæ quævis congestiones, hæmorrhagiæ & indurationes, &c. Non menti minus quam corpori insensum. Omnes ejus antevertit operationes. Graves & in se perlentit disturbanceles animus à nimia nervorum rigiditate, tensione, perenni irritatione, facili succutione, inordinato ac convulsivo succi nervei motu, fervidoque humorum æstu, fermentatione, acredine & inæquali cursu suborientes. Singula cruoris pars determinatæ est molis, naturæ, figuræ, coloris, actionis & motus, diversæ proprietatis & peculiare sibi colum vindicat. Quam longè mutabiles inter se sunt hæ qualitates! Non secus ac istæ, quibus adamussim circumgyrando evadunt pares, sibi mutuo dissentiant ubique virûs dotes. Itaque, dum generali cruoris in alveo coeretur, & universum per corpus diffunditur, vel singulis cum partibus init consortium, nulli se se addicendo, sed intrâ vasa omnibus æquè confusum humoribus, vel peculiari quocum major sibi est connexio & miscibilitas, intermiscetur liquido. Nec nisi à mirabili ejus indolis & cursû diversitate diversimoda habetur morborum propagatio, omnigenaque symptomatum legio. Et certè solito de cibi, potus, medicamenti externique aeris more, ad singula appellit incernicula, ubi semovetur & alteratione, mutatione ac evolutione simul excipitur; undè secretionem peractâ integrè partimve absque medico sæpè eliminatur. Jam verò omnes inter, quas, agmine factò, in homine suscitât, affectiones, universaliori quasi jure primas teneant febres. Continuas ac periodicas cujusque generis facit, prout continuato, interruptoque temporis spatio, majora repetit, deseritque vasa. Has quoque promovet majores aut minores, quatenus alienos cum innatis succos sursum deorsumque versât intrâ colatoria, vitæ magis aut minus necessaria, sensu multum vel parum exquisita, & eorum virtutem tam depurantem, quam expellentem graviore aut leviori labefactat negotio. Cunctæ periodicarum accessiones non ubique, nec semper à periodico, vel assiduo in sanguinem è primis viis saburræ influxu adolescunt. At sæpius à delitescente alibi virtus censu palam subrepunt. Neque semper à duratione pendentes cessantque eâ lege, ut morbosa materies undè prodeunt, in easdem vias sub excre-

tionis titulus jugiter exoneretur, de novo indè regressura, aut foras abripienda. Potiori jure sedari solent hæc, quia postliminium, elapsa semel quâdam temporis mensurâ, absolutoque circulo, sibi vindicat hæc iterum atque iterum illud amissura, dondè penitus consistat, vel extrâ rejiciatur quâ data porta, ampliùs non resurrectura. Inæquali pro ævo, quo ejusmodi matèries infaustam exequitur peregrinationem, unicam vel plures eâdem in die, hebdomade, mense, lues. Mutuus ergo febris & affectuum regressionis fomes non potiùs ventriculi intrâ ac intestini cavum, quàm per renes, *v. g.* & glandulosum quodvis organum conglomeratur; nisi ipsemet fortè peculiaris sit ingenii & analogiæ, vel nisi utriusque visceris infirmitas ejus stationi proximè conducatur. Quapropter sanguis si mittatur, purpureâ parte sanus, grumofusve, columbinus, rutilus, solutus, pulraceus, acer, muriaticus, corrosivus, mucosus, subviridis & in superficie variegatus, fibrosâ parte ater, crassus, coagulatus, concretus, deustus, in totum ferofus, alcalescens, acescensque, &c. Ubi lymphæ inhæret vitium, nulla est quâ non depravet, ratio, nullum indè quod, cum ipsa sit fecernatur, non hîc & illic toto in corpore dispergat ægrotationum genus.

V.

DUM externum ad corporis habitum protruditur venenosa materies, si sub cutis superficie colligatur & hæreat, quatenus tenuia ejus vasa permeare inhabilis, eam maculis describit, in tumorem attollit, supuratione lacerat. Sic maculosæ nunc adsunt & vibicibus pares, nunc papulosæ ac diversi coloris eruptiones. Harum autem aliæ rubicundæ, purpureæ, violacæ, pulcificormes, nigræ, olivacæ, crocæ, albicantes, planæ, latæ, permultæ aut paucæ, aliæ turgidæ, vesiculosæ, subrotundæ, virosæ ac succorum improbitate nocentes, ferosæ, lactæ, mucosæ, ichorosæ, squamosæ, confertæ, aut discretæ, miliæres, variolicæ, petechialesve, &c. Omnes vel in toto, vel in peculiari solùm integumento, *v. g.* in facie, ad pectus, circâ lumbos, juxtâ dorsum & artus, crura præsertim conspiciuntur. Sic modò nonnulli hinc & inde sparfi confurgunt duri tumores, ac quasi per contignationes à se invicem remotas dispositi, sedis loco longè mutabiles, ultro citroque accedentes, recedentesque. Hi insuper vel dolentis, uti phlegmones, furunculi, vel indolentis naturæ & pisiformes aut mole grandiores, ut gangliæ, lupiæ, steatomata, scirrhi & œdemata. Sic modò ulcera pravi moris depascentia in latum magis quàm in profundum proserpendo ubique vagantia, limbo callosa, sicca, oreve saniosa, ad gangrænâ pronissima, aut contumacia, nullo ferè pharmacorum genere & efficacîâ superanda. Siye externa, siye interna sint, subviridem, seu multicolorem potiùs, mucosam, lentam, ac corrosivam identidèm depluunt materiem. Non solùm ejusmodi damna cutem fœdant; vagi etiâ dolores aut periodici, noctis solisque exortibus æquè prænuntii passim errant, summè atroces, & à nimîâ quasi defatigatione intra scapulas, secundùm dorsî spinam, juxta lumbos ac membra maximè ferociunt. Ex eodem principio deducendi veniunt irrequieti pruritus levisque calor, quorum conspiratione interdum corpus adeo exagitat. Lecto inde accumbenti nocte, & à somno evigilanti manè ægro, somnuiando quaquaversum excurrit animus. Nocturni à capite imprimis, uberiori copiâ prodeunt sudores. Formicatio & aere velocior auræ veluti frigida ascensus persentitur, summa totius machinæ gravitas, ad motum ejus impotentia, maxima eundi

difficultas. Carnes intabescunt circa renes, clunes, &c. & exsiccantur. Totum per corporis habitum quem alternâ vice spasmodica vaforum strictura & toni infractione torquent, nutritio à perversâ lymphæ indole parta conturbatur. Pituitosa exinde cachexiæ intemperies, leucophlegmatia iniquis haud passibus adesse festinant; præsentem ob virûs in textu cellulari moram emergit aliàs onerosa nimis obesitas. In eâ denique quâ parte dolet & ægrotat cutis, sæpe nulla est coloris mutatio, nullus aut exiguus saltem hanc elevat tumor. Nihil enim suo in contextu scorbutici, totâ veneni substantiâ intus latente, aliquando reperiendum habet. Externum sic igitur corporis integumentum innumeris inquinatur vitiiis? Nec satis. Frequentiores quoque ejusmodi virûs sedes reputentur extrema, tum superiora, cum inferiora. Sic spontaneæ fibrosâ in carne lassitudines, morosa doloris sensatio, tremor, erethismus, convulsio, spasmodica motûs alternatio, contractura, stupor, gravitas, imbecillitas, summa ac ferè invincibilis inertia. Convulsivi tendinum subsultus, cruciatus, inflatio, induratio, retractio, resolutioque. Facilis & intempestiva maxillæ inferioris, colli, brachiorum, genuum, crurum, talique luxatio & horumce omnium immobilitas. Circa ligamenta, cartilagine, & articulos, qui in motum ægrè, aut nihil flecti queunt, rigiditas manet eorum supplicium, vel acutiori strident sonitu. Infirmitas in pueris tardiorque incessus, ad prolapsum proclivitas, insita membrorum enervatio, monstrosa facies, aut inversa ac laboriosa eorum retractio, (a) annosa pedum instabilitas, sedendi prurigo, decubitusve perennitas. Insignior nunc præ aliis partibus, semibrachii ac fibulæ macies, nunc torositas, œdematosus rubor, dolores nunc medios per artus defixi sunt ac nocte vehementiores. Non minùs spectandi hùc accedant quoque tumores collo, sub axillis, in brachiis, femoribus, &c. prominentes, Panaritria, anevrismata, varices, verrucæ, clavi pedum chiragricis nodis congeneres, eorum propè unguis stillicidia, fungi, sarcomata, carnesque cæteræ id genus intus & in cute ubique luxuriantes. Eandem demùm ingrediantur classem siccæ & humidæ, ubicumque corpus maculent, fissuræ. Manus ac pedes ad pollicis basim sæpe intumescunt & dolent amariùs, ex eo quòd eorum intra musculorum vaginas decumbit contagii lues. Illarum penès carpum & horumce malleolum non rarò ægrum adhuc discruciat. Priores in volâ, posteriores plantâ subitùs ardore, frigoreque alternatim corripuntur, pruriunt, vel squamis exfolvuntur, inflammatorio præsertim morbo declinante. Quid plura? Ab eodem utrisque manant veneno spontanei sudores, quibus uti axillæ affatim scaturiunt. Nec aliundè gypsei nodi, cretæ similes ad digitorum latera in arthriticis propè phalanges durefcunt. Quin imo puellæ ac matri, podagræ loco, ancipite aut periodico modo pedes magnopere intumescunt. Si verò humor scorbuti parens infantem aggredditur, ut pote ossibus molliorem, vimineâ præ flexilitate quasi cereum, in totum humiditate diffuentem, & cujus corpus in horas ampliandum est, tunc rachitidem parit, alterum sibimetipsi ramum. Nascitura proinde sunt ossium protuberantia, curvatura ac contorsio mirum in modum variegata, tenuitas, mollities, flexilitas, longè præternaturalis intra cavum eorum intumescencia, dirus labor, exostosis, anchylosis, luxatio, erosio, denudatio, caries atque nigredo, vel omnimoda epiphyseorum, apophyseorumque depravatio, prout virûs internam ossium substantiam infarcit ac nativam succi medullaris & Cambii invertit naturam (b). Quæ vitia ad humeri, radii, ulnæ, femorum, genuum,

(a) Voyez l'Histoire de la Maladie de la normée Supior, par M. Morand, D. M. P.

(b) Voyez la Dissert. manusc. de M. Navier, Med. à Châlons-sur-Marne, sur le Ramollissement des Os de la Supior.

tibiarum, vertebrarum, costarum juncturas solent consistere. Hæc in famelicis, aut tensesmum patientibus extant præcipuè. Si virulentum ulterius perquiras humorem, eadem aut penè similia, aut pessima adhuc intra corpus condita ipso mala liquet, quæ turmatim exhibuit in extremis ac totâ ejus peripheriâ. Etenim nonne quotidie in utroque sexu foras expellitur, teste observatione, judiceque experienciâ, tam per utrumque oculi canthum, auris, narium meatus, fauces, bronchia, oris cavum, renes, anum, genitalia in viris excretoria, mammas atque uterum in mulieribus, quàm sexcentos per cutis poros? Jam verò liberum eidem offerunt exitum singula corporis emunctoria, in quantum facilem huic prius concessere ingressum diversa glandularum secretoria intus distributa. Sed quod notatu dignum, illud singulare est cuiuslibet ægro-tationum speciei, quæ à scorbutico viru proveniunt, quoddam periodicas habeant regressiones aut alienas aut similitudine pares, & quoddam criticâ quâdam absque collectione internâ nusquam solvantur, vel externâ humoris morbifici eruptione. Nec aliâ de causâ nisi, juxta ab ejusdem sarcinâ, quâ impar fatiscit natura, opportunè liberetur, quibusdam plethoricâ constitutionis prægnantibus primarios per gestationis menses prætumidis è mammis aut renibus, &c. foras erumpit virus scorbuticum, speciosam lactis non malè referendo formam utrinque. Modò ex uno, aut altero, modò ex utroque continuo vel identidem ubere profluit. Impendentem jamjam lactis effusione utero gerenti quasi ex tripode prænuntiat, & eam puerperæ ac nutrici æmulam reddit longè præcocius. Sic multiplici modo viventi proximè inflat mortis imago, dum varias peragrat corporis regiones, quas à functionibus ritè peragendis impedit, scorbutica labes. Quàm antiquum igitur sit ejus prædominium, quàm lator, quàm parentior ejus imperii campus ex dictis abundè patet! Exitiale enim Proteiformi sub larvâ passim exhalare mephiticum, aut morborum saltem fecundum ubivis locorum concutere manet comprobatum.

Ergo à diversâ virûs scorbutici indole & sede Morbi diversi.

DOMINI DOCTORES DISPUTATURI.

- | | | |
|--|---|--|
| <i>M. Jacobus Gourex de la Motte.</i> | <i>M. Franciscus David Herissant, Regia scientiarum Academia Regique Societatis Londinensis Socius, necnon Chirurgia Gallico idiomate Professor designatus.</i> | <i>M. Joannes Astruc, Salubris Consilii Regii Socius, Regis Poloniarum Augusti secundi, Electori Saxonie, dum viveret, Medicus primarius & Professor Regius.</i> |
| <i>M. Joannes Stephanus Gueriard, Regiarum Acad. Parisien. & Florentina Socius, Censor Regius, necnon Historia Naturalis Musæi Serenissimi Aurelianensis Ducis Cussos.</i> | <i>M. Jacobus-Franciscus le Chat de la Sourdiere.</i> | <i>M. Franciscus Mery.</i> |
| <i>M. Natalis-Maria de Gevignand.</i> | <i>M. Joannes-Franciscus Isidore.</i> | <i>M. Joannes-Baptista Dubois, Professor Regius Emeritus.</i> |

Proponebat Parisiis HENRICUS-MICHAEL MISSA, Remensis, Saluberrimæ Facultatis Medicinæ Parisiensis Baccalaureus, Theseos Autor A. R. S. H. 1754, A SEXTA AD MERIDIEM.

Typis Viduæ QUILLAU, Universitatis & Facult. Medicinæ Typographi, 1754.